

Hylli i Dritës

Ubi Spiritus Domini, ibi libertas.

(II. ad Cor. III. 17).

BIBLIOTEKA KOMBETARE
TIRANE

1. Diktaturë, liberalizem a por shtet autoritar? Fq. 521
2. Nje vështrim mbi poezine „ 528
3. Fatosave të 1912 ës (vjerrshë) γ „ 537
4. Bukë e shpirt „ 541
5. Vjerrsha të pabotueme të t' Êmz. Pjeter Zarishit „ 548
6. Lojë të komtare „ 553
7. Pellagë e Hellenë „ 556
8. Gjurmime... „ 561
9. Lajme rrokull Shqypnis „ 567
10. Lajme rrokull botës „ 568



VJETA XII

— Nanduer 1936 —

NUMRI 11.

*Drejtimi man tagrin mî çdo artikull, qi botohet në ket të
Perkohshme, tue ndalue njëherit edhe çdo rishtypje a perkthim.*

Diktaturë, liberalizem

a por shtet autoritar?

In medias res!

Qysh mbas dites 21 Tetuer 1935, alias qysh mbas Tetorit shpëtimtar, filluen aty e këtu fletorarë e shkrimtarë me ja luejtë synin diktaturës; helbetë njeni e tjetri mâ fort me një sy platonik, kuerse disa tjerëve s' u mjaftoj e s' u mjafton as sot vetëm aj sy e por i verviten së shkretës Diktaturë të ndriturë me gjithë organet, posht e nalt, të trupit të vet. Dhe presin prej njajë diktature pasoje të frytëshme si i kan sjellë diktaturat e ndryshme, bj. fj. në Gjermanië, Italië e njeti...

Porse, manà, gaboben fort! Sepse ata nuk e kundrojn aspak ndryshimin e rrethanave të shtetit dhe të popullit t'onë sot me ato (rrethana) që u bane shkak dhe shpirtddhanëse per kah lindja e fashizmit italtjan dhe nacizmit gjerman. Dhe gabimi mâ i madhi i shkrimtarëve t'onë: që s'e kuptuene qysh nga s a b a h i se fashizmi e nacizmi janë dy lëvizje ma fort sociojogjike se politike...

Po kuptohemi!

Mbas luftes botnore (1918) u ndanë Italiya e Gjermaniya materjalisht teper të dantue me, per mos me thanë: të shkatrueme. Gjermaniya humbi asokohe, per pos luftes, të gjitha koloniët, tregtiën e jashtme, industriën, xehe, mademe, ujna, pasuniëna tjera të pafara të luejtshme e të paluejtshme; kuerse Italiya — me gjithë që e fitoj luften — mbet me gojë thatë e me duer b o s h kuer u shtruenë sofrat e ziafetit kurbanplote (me reparacjone, kontribucjone, mandate e b i l m e m n e) aty rreth Paris-it, dhe, sa mâ keq, ushtriya gadhnimtare

